

## - UVOD -

Dragi prijatelji, pred vama se nalazi **novembarsko** izdanje mjesečnog informativnog biltena Omladinskog resursnog centra (ORC) Tuzla i Omladinske mreže Bosne i Hercegovine koja za sada broji **161** organizaciju i **90** pojedinaca iz **69** mjesta BiH.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog resursnog centra (ORC) Tuzla, te Omladinske mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine stipendije i sl.).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:



<http://www.omladina-bih.net>

**Uživajte u čitanju!!**

SADRŽAJ		
Aktivnosti u novembru 2012.	.....	2
Planovi za decembar 2012.	.....	4
Aktivnosti dijela članica mreže	.....	5
Nove članice	.....	16
Informacije	.....	18
Donatori / pozivi	.....	19

## AKTIVNOSTI hCa/ORC-a U NOVEMBRU 2012.

### ANNA LINDH FONDACIJA BIH

Jedanaesti sastanak šefova mreža ALF održan je na Kipru (Nicosia), u periodu od 8. do 11. novembra 2012. godine, gdje su prisustvovali nacionalni koordinatori iz 43 zemlje – članice ALF-a. Bosnu i Hercegovinu je predstavljao gosp. Miralem Tursinović, nacionalni koordinator ALF-a za BiH.



Tokom sastanka se razgovaralo o implementaciji dosadašnjih aktivnosti, te razgovaralo o planovima za naredni period. Učesnici su informisani o narednom Forumu ALF koji će se održati u Marseju, Francuska, u periodu od 4. do 7. aprila sljedeće godine. Na sastanku je prezentovan i novi vizuelni identitet ALF, a u narednom periodu očekujemo i novi logo ALF BiH.

Više informacija možete naći na: [www.euromedalex.org](http://www.euromedalex.org)

Ovaj sastanak bio je i prilika da se dodijeli Euro-Med nagrada za 2012. godinu. Ovogodišnju nagradu osvojio je "Teatro Valle Occupato" (Italija).

Jedna od lijepih vijesti koju donosimo sa Kipra je ta da je Omladinski resursni centar Tuzla osvojio ovogodišnju nagradu Mediteranske fondacije „Mediteranska nagrada za civilno društvo" ("Premio Mediterraneo Società Civile 2012"). Nagrada se dodjeljuje za doprinos razvoju civilnog društva u Mediteranu, a direktoru Omladinskog resursnog centra Tuzla, Miralemu Tursinoviću uručena je od strane predsjednika Fondazione Mediterraneo, Michele Capasso.



Tokom novembra radili smo na pripremama za održavanje treninga „Umrežavanje i saradnja sa zemljama mediterana - Principi međukulturalnog rada u zoni Euromediterana i saradnja sa članicama iz mediteranskih zemalja".

Cilj ove radionice/treninga je osnažiti kapacitete članica ALF BiH za zajednički nastup i implementaciju aktivnosti u okviru Anna Lindh Fondacije sa partnerima iz regije Mediterana. Trening će biti održan u periodu 7. – 8. decembra 2012. godine u "Grand hotelu Posavina" u Brčkom. Gost – govornik na treningu je gospodin Gianluca Solera iz međunarodnog sekretarijata ALF, Aleksandrija, Egipat. Na treningu će učestvovati dvadesetak predstavnika članica ALF BiH.

### MLADI EKO LIDERI (YOUTH ECO LEADERSHIP CORPS)


U novembru 2012. Eko Tim Lideri iz Tuzle su započeli treninge sa petom grupom učesnika projekta. Orijehtacijski trening je trajao od 5. do 9. novembra i održavan je u prostorijama J.U. Dom kulture Srebrenik. Treningu je prisustvovalo 33 učesnika, starosti 16 do 30 godina. Prva dva dana orijsacijskog treninga, trening su držali Eko tim lideri, Boris Marić i Maja Vlajić.





Na orijentacijskom treningu predavali su gospođica Renea Radojčić iz Centra za održivi razvoj iz Brčkog, gospođica Milica Tošić iz Centra za energetska efikasnost iz Sarajeva i Majda Mujanović iz Omladinske Informativne Agencije.

Nakon treninga je formirana finalna grupa učesnika od 33 mladih ljudi koji će dalje nastaviti obuku u trajanju od 5 sedmica, sa tim da su zadnje tri sedmice predviđene za rad na terenu tj. pravljenje kontejnera za razdvajanje otpada, restauracija bine i farbanje radijatora u Domu Kulture Srebrenik, pravljenje 50 Taa Bora solarnih lampi.



Prve dvije sedmice održavali smo treninge za mlade učesnike iz Srebrenika. Treninzi su održani u prostorijama J.U. Dom kulture Srebrenik. Treninge su držali Eko tim lideri iz Tuzle, Boris Marić i Maja Vlajić. Teme treninga bile su komunikacija, timski rad i „JA“ govor.

Prvu sedmicu rada na terenu, grupa je napravila 24 Taa Bora solarne lampe i započela restauraciju bine u Domu kulture.

#### **✚ Donacija opreme KUD-u „Izvor“ Kiseljak**

U skladu sa ciljevima Omladinske mreže Bosne i Hercegovine: *Osnaživanje i jačanje omladinskog sektora u BiH, te osnaživanje i jačanje kapaciteta i resursa omladinskih organizacija i neformalnih grupa mladih, posebno u malim sredinama*, ORC Tuzla je kao koordinator mreže Kulturno umjetničkom društvu "Izvor" Kiseljak, Tuzla donirao opremu – telefon/faks i ink jet printer. Ova oprema će im biti veoma korisna u njihovom radu, obzirom da su novoosnovana organizacija, i uspjeli su se izboriti za svoj prostor na Kiseljaku. Više informacija o novoj članici "Izvor" možete naći na stranicama ovog Biltena.

#### **✚ „Korupcija u obrazovanju, cirkus u profesiji“**

U sklopu aktivnosti na promociji prevencije korupcije u visokom obrazovanju i kampanje pod sloganom “Korupcija u obrazovanju, cirkus u profesiji”, Transparency International BiH je 23.11. započeo distribuciju promotivnih materijala na Univerzitetu u Tuzla. ORC Tuzla pružio je podršku TI BiH u ovim aktivnostima.

Volonteri ORC Tuzla: Slobodan Blagovčanin, Selma Puzić i Selma Kurtić obišli su Filozofski, Pravni, Građevinski i Prirodno - matematički fakultet na kojima su dijelili promotivni materijal.



Ovom prilikom promovisan je i bilten koji sadrži studentske radove na temu korupcije u obrazovanju, pod nazivom „Cirkus Korupcija“.

Na ovaj način TI BiH nastoji informisati studente o njihovim pravima, te ih motivisati da se suprotstave korupciji i prijave slučajeve korupcije.

### Izmjene u timu ORC-a

Kolegica Ivana Nakičević otišla je na porodiljski dopust. Na poziciji asistenta u YELC i program asistenta u ORC Tuzla zamijenio ju je povratnik u naše redove, Boško Vlajić. Poželimo mu dobrodošlicu. Trenutni raspored snaga u Omladinskom resursnom centru (ORC) Tuzla je sljedeći:

- **Miralem Tursinović** – direktor (orctuzla@bih.net.ba),
- **Maja Vlajić** – program menadžer – mladi eko lider u okviru projekta YELC (vlajicmaja@gmail.com),
- **Mirjana Stamenković-Tursinović** – program asistent na ALF BiH, program menadžer u Omladinskoj mreži BiH (hcatuzla@bih.net.ba);
- **Boško Vlajić** – program asistent u okviru YELC, program asistent u ORC Tuzla (vlajicbosko@gmail.com),
- **Emir Delalić** – grafički i web dizajner, administrator stranice i moderator mejling liste (emir.delalic@gmail.com).

### Svakodnevne aktivnosti

Tokom mjeseca novembra radili smo i na održavanju i razvoju komunikacija i koordinacije unutar Omladinske mreže Bosne i Hercegovine. U okviru toga smo:

- svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti),
- održavali i redovno dopunjavali informacije na našoj web stranici [www.omladina-bih.net](http://www.omladina-bih.net),
- slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima),
- vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH i sl.

## **PLANOVI HCA/ORC-A ZA DECEMBAR 2012.**

-  **Nastavak rada sa V grupom Mladih Eko Lidera u Srebreniku.**
-  **Nastavak rada Regionalne omladinske mreže protiv diskriminacije Zapadnog Balkana.** U okviru ovoga ćemo učestvovati na regionalnom sastanku koji će se održati u Prilepu, Makedonija, u periodu od 20. do 23. decembra. Sastanak će biti prilika za planiranje aktivnosti u sljedećoj godini. Više o ovome na našim stranicama: [www.omladina-bih.net](http://www.omladina-bih.net) i [www.stopdiskriminacija.net](http://www.stopdiskriminacija.net)
-  **Održavanje treninga jačanja kapaciteta Članica ALF BiH u Brčkom, 7.-8. decembra, te učešće u treningu koji DRAFT Teatar Tuzla, u okviru zajedničkih aktivnosti ALF BiH organizuje u Brčkom, u periodu od 5. do 7. decembra ove godine. Tema treninga je: Organizacijski menadžment, te podizanje svijesti o neophodnosti mrežnog rada u ostvarenju ciljeva organizacija i Mreže. Trening je takođe namijenjen za 20 predstavnika članica ALF BiH. Više o ovim aktivnostima u narednom biltenu.**

## AKTIVNOSTI ČLANICA OMLADINSKE MREŽE BIH



MEĐUNARODNI CENTAR ZA DJECU I OMLADINU "FORTIS"

Suljo Čilić bb, 88 420 Jablanica

Tel./fax: 063-334-993 / 061-327-427

E-mail: [centarfortis@yahoo.com](mailto:centarfortis@yahoo.com)

Web: [www.centar-fortis.org](http://www.centar-fortis.org)

### AKCIJA ČIŠĆENJA 9.9.2012. - LET'S DO IT

Akcija čišćenja 9.9.2012. je završena. Akcija u Bosni i Hercegovini pod nazivom "Let's Do It – očistimo zemlju za 1 dan" najveća je akcija u (h)istoriji BiH posvećena prvenstveno čišćenju ilegalnih deponija smeća u jednom danu, ali i čišćenju zelenih površina i drugih prirodnih vrijednosti, odnosno zaštićenih područja.

Danas u Jablanici svoj doprinos akciji pružila su djeca i omladina te lokalni tim za Jablanicu. Odziv građana i omladine je bio zadovoljavajući, obzirom da je u općini Konjic bilo 28 volontera. Jablanica je ipak brojala više: 31 volonter, 7 sati čišćenja, cca.250 kesa smeća.



Organizovane su dvije grupe, gdje je jedna grupa čistila gradski park, stadion u Rasadniku i područje oko Stare opštine i područje oko Srednje škole. Druga grupa je čistila lokacije putem Djevora (proširenja, Oštro Bogno, „dedina klupa“), Glogošnice (stadion, deponija kod kapele), brane u Šanici, Bijele/Ravne (deponije) i putem u Donjoj Jablanici (parking i dvije deponije prema polju). Ostale su dvije lokacije neočišćene, te se nadamo da ćemo u nekom idućem periodu i to riješiti.

Hvala svim volonterima i volonterkama i članovima lokalnog tima Jablanica koji su organizovali i koordinisali današnjom akcijom.

Na kraju akcije je posađeno jedno stablo "jablana" kao znak imena Jablanice (lokalitet Glogošnica) i kao simbolični znak rađanju novih stabala, a Međunarodni centar za djecu i omladinu "FORTIS" u narednom periodu ima u planu posaditi jablanove u dijelu grada.

Osjeti se i dalje ta energija koja nas je povezala sve danas u Bosni i Hercegovini, energija koja je postavila temelj ka ljepšoj i čistijoj Bosni i Hercegovini.

Zahvalna sam i ponosna na članove lokalnog tima i smatram da svi oni koji su kročili danas u deponiju u Ravnoj/Bijeloj su istinski heroji.



**ONI BEZ KOJIH AKCIJA NE BI USPJELA SU:** Općina Jablanica – općinski načelnik Salem Dedić, Turski LOT tim – komandir Haluk Sak, Viva Pizzeria, Motel Maksumić, TR Tarik, Firma Titan, Radnja Metal, Jablanica-bus.

Slike možete pogledati na oficijelnoj stranici lokalnog partnera [www.centar-fortis.org](http://www.centar-fortis.org) ili na istoj [Facebook stranici](#).

## PRVI KLAVIR

Realizacija ideje o nabavci dugo očekivanog instrumenta počela je prošle godine, a stigao je upravo u pravi čas: na početku nove školske godine Male škole klavira.

Međunarodni centar za djecu i omladinu "Fortis" u Jablanici bogatiji je za dugo očekivanim pianinom. Ideja o nabavci klavira počela je prošle godine, a donacija je stigla upravo na početak nove školske godine Male škole klavira. Instrument je konačno stigao na odredište uz neskriveno oduševljenje svih prisutnih u Maloj školi klavira.

**"Po prvi put nakon što je počela Mala škola klavira u martu 2010. godine učenici će imati priliku da sviraju na pravom pianinu. Hvala svima koji su na bilo koji način pomogli u nabavci ovakvog jednog pianina",** kaže Indira Čilić, predsjednica Centra "Fortis".

Svi budući koncerti moći će prikazati šta učenici i omladina uče u ovoj školi, a naredni koncert je već najavljen za 22.12. tekuće godine. Na koncertu će učestvovati stari i novi učenici, te Bartolomej Stanković kao izvrstan pijanist, a bit će pozvani svi koji su zaslužni za realizaciju ovog projekta.



\*\*\*\*\*

**ERNADA AVDIBEGOVIĆ, član Omladinske mreže, pojedinac**

**Vijeće mladih općine Kladanj**

**E-mail: [erna\\_begovic20@yahoo.com](mailto:erna_begovic20@yahoo.com)**

## VIJEĆE MLADIH OPĆINE KLADANJ NA SASTANKU SA NAČELNIKOM

Dana 29.11.2012. Vijeće mladih općine Kladanj imalo je prvi zvanični sastanak sa novoizabranim načelnikom Jusufom Čavkunovićem. Mladi su prezentirali načelniku projekat "Institucionalni dijalog između mladih i vlasti kroz osnivanje vijeća mladih", te su razgovarali o drugim problemima sa kojima se susreću mladi na općini Kladanj.

Predstavnici formalnih i neformalnih grupa iz Kladnja, koje na različiti način okupljaju mlade su dali i konkretne prijedloge za rješavanje nekih problema, a načelnik je obećao svu moguću pomoć u skladu sa raspoloživim sredstvima.

Za održani sastanak možemo reći da je bio jedna vrsta konstruktivnog dijaloga.

Na održanom sastanku učešće su uzeli predstavnici omladinskih udruženja; Udruženja CMEK, Omladinski krug Kladanj, Civitas Kladanj, Kud Mladost Kladanj, Kladanjski omladinski savez.



Omladina u općini Kladanj je svjesna parole: **"Zajedno smo jači"**.



**H.O. Muslimansko dobrotvorno društvo - MERHAMET DOBOJ**  
**Kralja Aleksandra 17, 74 000 Doboj**  
**Tel./fax: 053 226 886**  
**E-mail: merhamet.doboj@cutuk.net**  
**Web: www.ngo.ba**

**✚ AKTIVNOSTI H.O. „MERHAMET- A“ DOBOJ U NOVEMBRU 2012.**

Tokom mjeseca novembra H.O. «Merhamet» Doboj je nastavio sa implementacijom projekata:

- „Pomoć starim i nemoćnim osobama koje žive same“;
- Pronalaženje donatora za humanitarnu pomoć za socijalno-ugrožene kategorije;
- „Pružanje zdravstvene zaštite socijalno-ugroženim kategorijama“.



Aktivistkinja «Merhamet-a» Doboj Mujdžić Senada na humanom zadatku.



Predsjednica «Merhamet-a» Doboj, Avdić Faketa, uručila paket humanitarne pomoći i higijene Ibrahimović Zehri (teškom nepokretnom bolesniku koja živi s mužem invalidom u kolicima).



Medicinska sestra ambulante «Merhamet-a» Doboj, Mehičić Zlata na radnom zadatku.



Članove "Merhameta-a" Doboj obradovala je raspodjela humanitarne pomoći – donator "Merhamet" MDD Sarajevo, 17.11. 2012.



Predsjednica «Merhamet-a» Doboj Avdić Faketa prisustvovala prvoj osnivačkoj skupštini antikorupcijske mreže u BH-ACCOUNT, 19.11.2012.



Naša volonterka Amina Hadžikadunić je učestvovala na radionici " Želim ti reći da postoji izlaz" ( prevencija nasilja) koju je organizovala naša partnerska organizacija Šesto čulo iz Doboja po drugi put u Doboju u sklopu Svjetskog dana molitve i akcije za djecu i mlade.



## NGG POKRET MLADIH „VOLONTERI & PRIJATELJI KONJICA“

Civilnih žrtava rata 3, 88400 Konjic

Tel.: 036 730 688, 061 610 127

E-mail: [adismuhibic@gmail.com](mailto:adismuhibic@gmail.com)

Web : [www.vipk.info](http://www.vipk.info)

FB: [www.facebook.com/groups/220690771277915/](http://www.facebook.com/groups/220690771277915/)

### ✚ IZVRŠEN TRANSPORT DONACIJE CRIJEPA ZA PORODICU PLAVČIĆ



Aktivisti neformalne grupe građana civilnog društva „Volonteri i prijatelji Konjica“ (VIPK) su **11. novembra** ove godine uz podršku firme „Gradactrans“ doo Konjic izvršili transport 33 „samara“ i 1450 komada crijeva za izgradnju nove kuće sedmeročlanoj porodici Munevere Ćatić ex. Plavčić u vrijednosti od 1493,00 KM. Podsjećamo, članovi VIPK su još prošle godine posredstvom Centra za promociju civilnog društva uspjeli osigurati crijep za porodicu Dželilović iz Kralupa. „Obzirom da je ovih dana od strane OO Merhamet Konjic akcija za porodicu Dželilović upješno okončana, nakon konsultacija sa donatorom naša grupa je odlučila da se ista preusmjeri socijalno ugroženoj porodici Plavčić što smo danas i realizovali“, izjavio je član VIPK Mustafa Kurtić, koordinator akcije „Srcem za djecu Plavčić“.

### ✚ ODRŽANA RADIONICA „SURFAJ SIGURNO“

U amfiteatru Srednje škole u tehničkoj organizaciji VIPK-a, Centra za prava djeteta i uz podršku menadžmenta Srednje mješovite škole Konjic i JU Druga osnovna škola Konjic održana je **13. novembra** radionica o zaštiti djece od nasilja i drugih zloupotreba koje prijete sa interneta. Organizator radionice bilo je Ministarstvo sigurnosti BiH, zajedno sa policijskim agencijama, ministarstvima obrazovanja i Udruženjem Međunarodni forum solidarnosti (EMMAUS) iz Sarajeva. „Internet je idealno sredstvo za bolesne i zlonamjerne ljude, najopasniji i najperfidniji oblik nasilja prema djeci i ove prijetnje su svakodnevno u ekspanziji. Svako peto dijete izloženo je opasnostima sa interneta, prisutnima smo dali mnoge korisne informacije i upute kako se treba zaštititi od pornografije, pedofilije, sexstinga, groominga i drugih opasnosti, koje su i u Bosni i Hercegovini sve raširenije“, rekao je istražitelj Federalne uprave policije i edukator na radionici Eneid Hasanović. Radionica, kojoj je prisustvovali oko 80 učesnika (djeca, mladi, roditelji i nastavnici konjičkih škola), održana je u okviru projekta „Sveobuhvatan pristup rješavanju problema dječije pornografije u BiH“.

### ✚ MOGUĆA KRIVIČNA PRIJAVA ZA RUŠENJE MURALA ZUKE DŽUMHURA

Svjesni važnosti i potrebe da kao građani učestvujemo u aktivnostima korisnim i značajnim za grad Konjic, kao što je i akcija na spašavanju murala Zuke Džumhura, prema dostavljenim informacijama građana Konjica, **15. novembra** hitno smo informisali Komisiju za očuvanje nacionalnih spomenika BiH, da se u Pivnici u Konjicu odvijaju građevinski radovi sa velikim bagerom i vrši rušenje zidova čime se dovodi u izravnu opasnost rušenje i Murala Zuke Džumhura. Mural je na građansku inicijativu VIPK-a zvanično od strane nadležne općinske službe predložen sredinom aprila 2012. godine Komisiji za očuvanje nacionalnih spomenika



Bosne i Hercegovine kroz formu aplikacije za nacionalne spomenike. Nama je poznato da ova aplikacija ima snagu, kao da je nacionalni spomenik i sve aktivnosti zaustavljene su tada bez obzira na regulacioni plan, dok državna Komisija ne dostavi odgovor. Ta zakonska obaveza je i dalje na snazi.

### **23. REDOVNA SJEDNICA ČLANOVA VIPK**

Održana je u Domu izviđača, **18. novembra** 2012. godine. Posebno pohvaljene aktivnosti: za nesebično darivanje krvi bolesnoj sugrađanki Aldina Mujala i Elvedine Alić, kao i njene samoinicijativne akciju oko organizacije protesta povodom zatvaranja Zemaljskog muzeja u Sarajevu i organizaciju pjesničke večeri za rahmetli Dženana Begića, volonterska podrška Almedine Kurić i Tesse Ahmed oko zdravstvenih pregleda članova Udruženja penzionera općine Konjic, Huseina Vođu za uspješnu koordinaciju donacije iz Danske školi u Ribićima, Mustafu Kurtića za uspješan transport donacije crijepa porodici Plavčić iz Konjica, Mirsada Čukle, Elviru Ćosić i Sanelu Muhibić za iniciranje i organizaciju obilježavanja godišnjica stradanja civilnih žrtava rata, okruglog stola o socijalnoj karti starih lica, radionice o sigurnosti djece na Internet-u, pješački podvig Zlatana Drenića povodom obilježavanja 9 godišnjice smrti prvog predsjednika Predsjedništva RBiH Alije Izetbegovića, akademski status Jasmine Korić i za profesionalno održavanje web stranice [www.vipk.ba](http://www.vipk.ba) Amira Buturovića. Istaknuto je i to da je niz priznanja za dobar rad grupe u zajednici došao i kroz dodjelu zahvalnice FOM OO SDP Konjic za učešće u akciji „Građani nisu sami“ i snažnu medijsku promociju posredstvom portala klix.ba u intervjuu glavnog koordinatora Adisa Muhibića iz Konjica.

### **U KONJICU SE I DALJE KRŠE DJEČIJA PRAVA!**

Na Međunarodni dan dječijih prava **20. novembar** eklatantan primjer dolazi iz MZ Trešanica: košarkaški poligon kojeg od 2009. godine roditelji i grupa VIPK TRAŽI da se vrati djeci od strane "uspavanih" općinskih službi - NEMA PROLAZA. Pored puštanja balona, dobro bi bilo da svi koji istinski brinu o prosperitetu djece Konjica podignu svoj glas i djeluju praktično. Formalnost nije nešto što je poželjno i ne donosi napredak djeci Konjica.

Nastavljamo vršiti pritisak, jer se naše uporište nalazi na zakonski osnovanom temelju - gruntovnici općine Konjic...



### **MLADI U KONJICU OBILJEŽILI NAJVEĆI DATUM BOSNE I HERCEGOVINE**

Dan državnosti Bosne i Hercegovine **25. novembar** obilježen je u većini gradova Federacije BiH. U Konjicu su zvanična delegacija Volontera i prijatelja Konjica i Karate kluba Igman Konjic polaganjem cvijeća i učenjem Fatihe odali počast šehidima i poginulim borcima Armije RBiH.



### **VOLONTERI I UČENICI KONJICA POSJETILI ZUKIN MEZAR**

Na današnji dan, **27.11.** prije 23 godine umro je Zulfikar Zuko Džumhur, a godišnjicu smrti već drugu godinu obilježavaju članovi nevladine organizacije Volonteri i prijatelji Konjica, koji zajedno sa učenicima Srednje i 2. osnovne škole posjete mezar, odaju poštu, polože cvijeće i prisjete se ovoga najpoznatijeg Konjičanina. Zuko je najpoznatiji Konjičanin, simbol grada i spomenik kulture, ali u rodnom gradu nema zvaničnog podsjećanja na njegovo djelo, ne obilježavaju se godišnjice rođenja, kao ni godišnjice smrti...



www.pronibrcko.ba

**PRONI CENTAR ZA OMLADINSKI RAZVOJ**

**Mehmedagića 24, 76 100 Brčko distrikt BiH**

**Tel./Fax: 00 387 49 217 695**

**E-mail: pronibrco@teol.net**

**www.pronibrcko.ba**



## **POZIV ZA PROJEKTE MLADIH LIDERA/KI MREŽE OMLADINSKIH KLUBOVA**

PRONI Centar za omladinski razvoj raspisuje **javni poziv za financiranje projekata omladinskih lidera/ki** u sklopu projekta „Jačanje kapaciteta omladinskih lidera/ki za ljudska prava“.

Javni poziv je namijenjen Omladinskim liderima/kama koji djeluju u sklopu Mreže omladinskih klubova i ima za cilj da omogući liderima/kama da demonstriraju vještine pisanja projekata, koje su stekli kroz modul obuke „Upravljanje projektnim ciklusom“.



Do kraja 2012. godine PRONI Centar za omladinski razvoj će podržati najmanje 5 projekata u najvišem iznosu od 1000,00 KM, koji će se implementirati na području Brčko distrikta BiH. Popunjene aplikacije omladinski lideri/ke koji su zainteresirani za apliciraju trebaju poslati do **25.11.2012. godine do 16:30h.**

Projekat „Jačanje kapaciteta mladih lidera/ki za ljudska prava“ ima za cilj razviti učinkovite modele omladinskog rada za ostvarenje ljudskih prava mladih, te jačanje kapaciteta 26 klubova za mlade na području Brčko distrikta BiH. Dugoročni cilj projekta je stvoriti društveno okruženje u Bosni i Hercegovini u kojem će prava mladih biti ostvarena. U ovaj projekat je uključeno 26 mjesnih zajednica, odnosno omladinskih klubova. Na ovaj način 52 omladinska lidera/ke imaju priliku steći nova znanja i vještine koje će im pomoći u realizaciji ciljeva omladinskih klubova.



## **EKO TIM LIDERIMA I OSOBLJU ЦОР-а УРУЧЕНИ ЦЕРТИФИКАТИ**



Петодневна обука коју је водио стручни тим из Сједнињених Америчких Држава за особље из Центра за одрживи развој и Еко тим лидере успјешно је завршена 2. новембра, након чега су и свечано уручени сертификати. Учесници обуке, који су били подијељени у два тима, додатно су се усавршили на пољу соларне енергије, утопљавању кућа и енергетске ефикасности.

Тим за соларну енергију поред претходне обуке на којој су учили како правити соларне лампе од пластичних флаша сада су радили на едукацији о систему који би освјетљавао

просторије у кући, те на који начин могу развити бизнис са израдом соларних система. Тим за утопљавање кућа у току обуке обишли су и куће у Лукавцу, Пелагићеву и Брчко дистрикту БиХ на којима су излопацију радили учесници пројекта „Млади Еко Лидери“. Такође, на обуци научили су и како се изводи тест на олово у бојама које се користе за фарбање ограда, те неколико пута извели на три зграде.

Свечаној додјели сертификата присуствовао је и регионални директор пројекта „Млади Еко Лидери“ Питер Твицхил и директор пројекта „Млади Еко лидери“ Јасмин Јашаревић. Пројекат „Млади Еко Лидери“ финасиран је од стране УСАИД, а имплементатори су Јут Билд Интернешнал, ПРОНИ Центар за омладински развој, Центар за одрживи развој, Омладинска информативна агенција и Центар за енергетску ефикасност.



### **GRADI BUDUĆNOST - PRIJAVI SE!**

Da li ste nezadovoljni svojom svakodnevicom? Imate li slobodnog vremena? Nezaposleni ste? Želite unaprijediti svoje vještine za aktivno traženje posla? Želite pomoći zajednici u kojoj živite?

Ukoliko želite promijeniti način života, steći nova znanja, iskustva, upoznati nove ljude, steći nova poznanstva, upoznati poslodavce ovo je projekat za vas. Mladi grade budućnost u Brčko distriktu BiH vam nudi:

- treninge u sticanju praktičnih vještina potrebnih za zapošljavanje
- stručne obuke za pokretanje vlastitog biznisa
- sticanje tehničkih vještina i diploma iz različitih oblasti poslovanja
- mjesečnu stipendiju za učešće u programu
- povezivanje sa privrednim subjektima



***Ako si mlada osoba od 16 do 28 godina, a uz to i nezaposlena, ovo je prilika za tebe da postaneš aktivan i koristan član svoje zajednice.*** Poziv za novu grupu mladih, za učešće u projektu Mladi grade budućnost u Brčko distriktu BiH, je otvoren do 12.12. 2012. do 17h.



### **ПОДРШКА ДЈЕЦИ ИЗ МАТЕРИЈАЛНО НЕОСИГУРАНИХ ОБИТЕЉИ**

У Деветој основној школи у насељу Прутача у Маочи код Брчког почео је с радом продужени боравак у којем ће се уз помоћ стручног тима креирати квалитетан и континуиран приступ у раду с дјецом из материјално неосигураних обитељи с посебним фокусом на дјецу ромске националности и дјецу из избјегличких обитељи, те пружање стручне подршке наставницима и родитељима



Рад продуженог боравака набавком потребне опреме, дидактичког материјала, ТВ-а, ДВД-а и опремањем чајне кухиње подржао је УНИЦЕФ кроз посебно усмјерен пројекат „Подршка дјецу из материјално неосигураних обитељи“ у оквиру заједничког УНИЦЕФ и ЕУ програма „Јачање система социјалне заштите и инклузије у БиХ“ (СПИС).

Одјел за образовање Брчко Дистрикта обезбиједио је средства за обнову просторија у којима се одвија продужени боравак те рад наставника и стручног тима, а наставници ће као властити допринос додатна два сата дневно радити

волонтерски.

Рад у продуженом бораваку ће се одвијати свакодневно у трајању од по два сата, омогућиће се рад различитих секција, те допунска и додатна настава са посебним нагласком на рад на описмењавању. Поред редовних активности током два мјесеца трајања пројекта, планирано је и одржавање три једнодневне радионице за свих 88 ученика подручне школе на теме које су

од значаја за њихов правилан раст и развој. У реализацији радионица укључит ће се стручни тим Центра за ментално здравље, као и предавачи партнерске невладине организације ПРОНИ из Брчког.

Пројекат "Јачање система социјалне заштите и инклузије дјеце у Босни и Херцеговини" заједнички је пројекат ЕУ и УНИЦЕФ-а. Европска унија финансира овај пројекат од 2008. године из Инструмента за претприступну помоћ (ИПА) у износу од 4,1 милиона еура. Циљ пројекта је да помогне у изградњи система који ће осигурати адекватну политику социјалне заштите те социјалну заштиту и инклузију дјеце и њихових породица.



## **BIG SWAP DAY**

Volonterka iz Švedske Tone Celandia Collin u sklopu nevladine organizacije Proni, je organizovala Swap day (Dan razmjene) u Omladinskom centru 26., 27. i 28. 11. 2012. godine.

Cilj je buđenje svijesti kod građana u vezi očuvanja našeg okoliša, ali isto tako i jedan drugačiji način „second hand“ kupovine koji rezultira dobrom zabavom.

„Ovo je jedan zabavan način second hand kupovine, koji štedi novac, kao i prirodne resurse“, objašnjeno je na FB stranici „Big Swap“. U toku trosatnog druženja prisutni su imali priliku da razgovaraju o socijalnim problemima, resursima u našem okruženju, a na kraju je upriličeno gledanje kratkog filma „Story about staff“.



## **ПЕТА ГРУПА МЛАДИХ ЕКО ЛИДЕРА ЗАПОЧЕЛА СА ПРАКТИЧНИМ АКТИВНОСТИМА**

Пета група УСАИД пројекта “Млади Еко Лидери” у Милићима, Сребренику, Угљевуку и Грачаници почетком ове седмице (26.11.) стартовали су са практичним активностима.



Након успјешно обављене теоретске обуке о тимском раду, лидерству, комуникацији, екологији и енергетској ефикасности “Млади Еко Лидери” ће правити соларне лампе “Таа Бора” од пластичних флаша, контејнер за рециклажу, уређивати обданиште у Грачаници, те уређивати околину и унутрашњост Дома културе у Сребренику.

У Угљевуку учесници ће правити стазе и садити дрвеће у школском дворишту, те правит клупе и кућице за птице.

У Милићима радиће се на обнови дјечијег парка, те сређивању простора око Омладинског центра. Такође, полазници ће имати прилику упознати се и са “Блов дор” тестом.

Практична обука за пету групу “Младих Еко Лидера” трајаће три седмице.

**INSTITUT ZA RAZVOJ MLADIH KULT**

Banjska ul. 2, 71210 Ilidža, Sarajevo

E-mail: [kult@mladi.org](mailto:kult@mladi.org)

Tel./fax: 033 637290, 033 621351

Web: [www.mladi.org](http://www.mladi.org)**Microsoft donirao vrijedan softver Institutu za razvoj mladih KULT**

Vodeća softverska kompanija Microsoft donirala je Institutu za razvoj mladih KULT licencirani softver u vrijednosti od \$45,082.00. Navedena donacija omogućit će KULTU unaprjeđenje dosadašnjih informacijskih sistema, te će ubrzati, olakšati i poboljšati svakodnevni rad uposlenika/ca Instituta.

Institut za razvoj mladih KULT svjestan je važnosti poštivanja zakonskih obaveza o korištenju licenciranog softvera.

**Bez glasova protiv usvojen Zakon o volontiranju FBiH**

Volonteri/ke Federacije napokon su dobili zakonsko rješenje prema kojem će im se volonterski rad u struci priznavati kao radno iskustvo. Sa 45 glasova ZA, 1 suzdržanim i bez glasova protiv usvojen je Zakon o volontiranju FBiH na 12. sjednici Doma naroda Federacije. Više na [mladi.org](http://mladi.org).

**Dodijeljeni certifikati službenicima/ama i mladim liderima/cama**

Tokom novembra 2012. g. organizirana je Svečana dodjela certifikata službenicima/ama za mlade i mladima iz BiH. Certifikati su dodijeljeni u povodu završetka obuke provedene u sklopu inicijative [Općine naklonjene mladima](#).

Događaju je prisustvovao veliki broj zvaničnika iz oba entiteta, ministar kulture i sporta u Vladi FBiH gosp. Salmir Kaplan, ministrica uprave i lokalne samouprave u Vladi RS-a gđa Lejla Rešić, brojni načelnici općina, veliki broj službenika/ca za mlade, predstavnika/ca javnih ustanova i mladih iz cijele Bosne i Hercegovine.

Program obuke prošlo je 13 službenika/ca za mlade, 26 mladih lidera/ica te 13 službenika/ca iz javnih ustanova.

**SPAJALICU posjetilo više od 200 mladih tokom novembra**

Jedan od pokazatelja koliko je Obrazovno-raznodni centar za mlade SPAJALICA posjećen jeste podatak da je tokom novembra o. g. više od 200 mladih i djece iz brojnih krajeva BiH prošlo kroz različite vrste obuka, seminara, predavanja i druženja. Učili su o politici prema mladima, ljudskim pravima, odnosima s javnošću, javnom zagovaranju, lobiranju, pokretanju vlastitog biznisa, družili se, stjecali nova prijateljstva i svoje slobodno vrijeme iskoristili sa smislom.

## Zvanično je potvrđeno da nedostaje 55 propisa u oblasti javne potrošnje

U paralelnom svijetu od formiranja "četvrtine većine", održana je veoma ozbiljna rasprava Komisije za finansije i budžet PDPSBiH o Izvještaju o reviziji izvještaja o izvršenju budžeta institucija BiH, koji je ocijenjen negativnim revizorskim mišljenjem. Revizija je u Izvještaju navela 36 preporuka koje Vijeće ministara BiH i Ministarstvo finansija i trezora BiH nisu implementirali od prošle godine. Također, revizori su napravili spisak od 55 propisa, instrukcija i jedinstvenih pravila koji nedostaju da bi se javna potrošnja u BiH racionalizirala i dovela u zakonske okvire. Drugim riječima, da bi troškovi javne administracije bili u potpunosti regulirani i zakoniti, a odgovornost dokaziva. Nastavak teksta pročitajte na mladi.org.

### ✚ Aktivni građani/ke mijenjaju svoju lokalnu zajednicu

Aktivni građani/ke inicijativa je koju realizira Britanski savjet u BiH u saradnji s Institutom za razvoj mladih KULT. Aktivni građani/ke je program iz oblasti interkulturalnog dijaloga i globalnog društvenog povezivanja. Vizija programa je svijet u kojem mladi ljudi prepoznaju svoj potencijal i pokušavaju se angažirati zajedno s drugima u cilju razvoja njihovih zajednica na lokalnom i međunarodnom nivou.

### ✚ Moja i tvoja ljudska prava!

Polaznici/e obuke UMiD su tokom radionice o temi *Ljudska prava* imali priliku saznati šta su ljudska prava i koja je njihova uloga u našem društvu i životu. Tokom dvodnevnog druženja, budući lideri/ke saznali su nešto više o historijskom razvoju ljudskih prava. Učesnici/e su ukazali na potrebu što objektivnijeg i češćeg izvještavanja o ovoj temi medijima, jer su konstantno bombardirani nepotrebnim i nekorisnim informacijama. Svjesni činjenice da žive u zemlji u kojoj se svakim danom krše ljudska prava, omladinski lideri/ke su pokazali odlučnost i spremnost zaštititi i boriti se za ljudska prava.



### ✚ Rad na Indeksu naklonjenosti mladima

Misija OSCE-a u BiH tokom novembra organizirala je sastanak o temi *Indeks naklonjenosti mladima* za predstavnike/ce vijeća mladih i omladinskih udruženja iz općina Kantona 10. Cilj je osnažiti vijeća i udruženja kako bi mogli provesti temeljito istraživanje o statusu mladih i politici općinskih vlasti prema mladima te tako stvoriti osnovu za učinkovitije zagovaranje interesa mladih u svojim lokalnim zajednicama.

### ✚ Ostvareni uvjeti za formiranje Vijeća mladih Unsko-sanskog kantona

Početkom novembra 2012. g. održana je osnivačka skupština Vijeća mladih općine Sanski Most. Vijeće čine tri omladinska udruženja: Centar za izgradnju mira, Sana u srcu i Naš grad. U skladu s predloženim dnevnim redom usvojen je statut te su izabrani članovi upravnog i nadzornog odbora.

### ✚ Osnovana dva vijeća mladih u Zeničko dobojskom kantonu

Početkom mjeseca novembra osnovano je prvo vijeće mladih u Zeničko dobojskom kantonu, a tri dana kasnije i drugo. Vijeće mladih općine Kakanj osnovala su četiri udruženja: Omladinski studentski interkulturalni centar, Prijatelji omladinskog centra, Indeks i Procvat. Vijeća mladih općine Visoko osnovalo je jedanaest udruženja sa područja ove Općine: Damar omladine, Confero, OU Mladost, OU Bedem, SETUP, Eko viking, Opstanak, Budi mi prijatelj, Mladi volonteri Ekologika i Taekwondo Akademija Zejd.

### **+ Osnovano Vijeće mladih općine Lukavac**



Održana je osnivačka skupština Vijeća mladih općine Lukavac. Udruženje UG Dobri ljudi, Asocijacija mladih Devetak i Asocijacija mladih za Evropu su udruženja koja čine Vijeća mladih općine Lukavac. Prije početka rada osnivačke skupštine prisutnima se obratio regionalni saradnik u projektu *Institucionalni dijalog između mladih i vlasti kroz osnivanje vijeća mladih*, gosp. Mirel Bijedić koji je ujedno i vodio osnivačku skupštinu do izbora predsjednice skupštine.

### **+ Jačanje kapaciteta vijeća mladih/omladinskih savjeta**

Javni nastupi i mediji te namicanje sredstava bile su teme drugog modula obuke Jačanje kapaciteta vijeća mladih/omladinskih savjeta. Radionice su održane za predstavnike/ce vijeća mladih/omladinskih savjeta. Kroz praktične vježbe i razmjenu iskustava, učesnici/e obuke su imali priliku učiti o osnovama komunikacije i komunikacijskom procesu, osnovama ispravnog govora, šta su to odnosi s javnošću i medijima, kako organizirati javne događaje, te o namicanju sredstava.

### **+ Breza dobila legitimnog predstavnika mladih**

Održana je Osnivačka skupština Vijeća mladih Breza. Čine ga tri udruženja: Mladost-Župča, Omladinski centar Desnek i Mlađak. Za predsjednika Vijeća mladih izabran je Ibrahim Mehmedagić. Prema njegovim riječima, u predstojećem periodu, ovo vijeće će pokušati stvoriti bolji ambijent za društveni život mladih Breze.

### **+ Na putu poslovnog uspjeha**

Na dvodnevnoj radionici *Kako izraditi biznis plan* učesnice ne samo da su stekle teorijska znanja već i mnogo vještina za praktičnu primjenu, za izradu vlastitog biznis plana. U narednom periodu od učesnica očekujemo razradu kreativnih ideja za pokretanje vlastitog biznis plana od kojih će najbolji biti finansijski podržan.



## NOVI ČLANOVI



Udruženje za art i vizualno komunikacijske vještine **PIXEL**

Ul. Vrbaska br.1, 71 000 Sarajevo

Tel.: 033 720 027

E-mail: [pixel@pixel.ba](mailto:pixel@pixel.ba)

Facebook: [www.facebook.com/PixelNGO](http://www.facebook.com/PixelNGO)

**PIXEL** je nevladina, nestranačka i neprofitna organizacija koja teži razvoju demokratskih i građanskih vrijednosti usmjerene prema svim članovima bosanskohercegovačke zajednice. Pixel u svom radu obrađuje društveno odgovorne teme koristeći tehnike vizuelne komunikacije. Ovakvim pristupom nastojimo na drugačiji način da skrenemo pažnju na postojeći problem i ukažemo na značaj promjena.

Udruženje za art i vizualno komunikacijske vještine osnovano 2003 godine. Tim udruženja čine 2 stalno angažirana uposlenika i oko 30 volontera. Iskusni tim volontera profesionalaca, kroz različite aktivnosti i projektne teme, radi na razvoju komunikacijskih vještina izražavanja. Različite društvene teme tretiramo kroz nove dimenzije vizualne komunikacije u kontekstu snažnog razvoja savremenih vizualnih tehnologija komuniciranja.

Raspolažemo kapacitetima za kreiranje komunikacije, upravljanje javnim kampanjama uključujući sve medije. Koristimo art i vizualne tehnologije komuniciranja u funkciji razvoja građanske kulture komuniciranja.

Zalažemo se za jačanje autorskih prava, pravne legislative, promociju lokalnih i internacionalnih autora u oblasti art i vizualnih komunikacija.

Naš tim je osposobljen za upravljanje komunikacijom za social medije, nove dimenzije vizualne web komunikacije u kontekstu snažnog razvoja savremenih tehnologija komuniciranja. Posjedujemo studio u kojem možemo producirati vizualni identitet, video, audio, print i digitalne komunikacijske materijale.

U posljednjih 10 godina naš tim je realizovao veliki broj javnih događaja, izložbi, koncerata, edukativnih interaktivnih radionica i festivala. Realizirali smo javne kampanje i producirali veliki broj TV spotova i dokumentarnih i animiranih filmova.

**Partneri s kojima smo imali priliku surađivati su:** EU Awareness II, CESI, CPCD, Udruženje «Prijatelji Srebrenice», UIZBiH.

**Naši dosadašnji donatori:** European Union, Ministarstvo za obrazovanje, nauku i mlade KS, BH Telecom, FDS, Fondacija za muzičke, scenske i likovne umjetosti, FMRPO, UNICEF/MDG-F, OSCE, UNDP/UNICEF, IOM, Save the children

**Ovom prilikom želimo da pozovemo sve nevladine organizacije zainteresovane za saradnju i rad na zajedničkim projektima da nam se obrate!**



## KULTURNO UMJETNIČKO DRUŠTVO „IZVOR“ KISELJAK

Kiseljak bb, 75 211, Kiseljak - Tuzla

Tel.: 061 638 792

E-mail: [izvorkud@yahoo.com](mailto:izvorkud@yahoo.com)

### ✚ GLAVNI PROGRAMSKI CILJEVI:

- očuvanje osnovnih načela amaterizma;
- podizanje umjetničke kvalitete djelovanja;
- obogaćenje kulturnog života zajednice;
- okupljanje djece i omladine radi provođenja socijalne prevencije;
- okupljanje građana radi kulturno-umjetničkog djelovanja;
- promicanje kulture, folklorne tradicijske baštine Tuzlanskog kraja, drugih krajeva Republike Bosne i Hercegovine, te nacionalnih manjina;
- stručno povezivanje, te stručno usavršavanje članova;
- obavlja i druge poslove koji doprinose ostvarivanje ciljeva utvrđenih Statutom.

### ✚ KRATAK ISTORIJAT ORGANIZACIJE

Naša organizacija je počela sa radom u 6 mjesecu 2012.godine i okuplja oko 50 članova folklorne sekcije.

U bližoj budućnosti planiramo proširiti folklornu sekciju sa dodatnim aktivnostima kao stao su: dramska sekcija, ritmička sekcija, humanitarna sekcija....

Dosadašnje djelatnosti su bile učešće na smotrama i nastupima, te kulturno umjetnički program na području naše mjesne zajednice.

Imamo u planu saradnju sa drugim organizacijama i pomaganje drugima u njihovim projektima.

**KONTAKT OSOBE:** Lejla Softić, Čolić Emina, Samir Softić

## INFORMACIJE



Udruženje za odgovorno upravljanje ličnim finansijama "U PLUSU"  
Obala Kulina bana 2/1, 71000 Sarajevo  
Tel: 033 264 575  
Klosterska 3, 75000 Tuzla, Tel: 035 249 381  
[www.uplusu.ba](http://www.uplusu.ba)

### **TRI GODINE PRUŽANJA BESPLATNIH FINANSIJSKO-PRAVNIH USLUGA PREZADUŽENIM GRAĐANIMA BIH**

Tuzla/Sarajevo 29.11.2012.: Danas Udruženje za odgovorno upravljanje ličnim finansijama „U plusu“ obilježava tri godine djelovanja u BiH tj. pružanja besplatnih usluga finansijsko-pravnog savjetovanja prezaduženim građanima i realizacije prilagođenih programa finansijske edukacije za odrasle i srednjoškolce.

U proteklom periodu najveći broj građana obratio nam se sa problemom otplate jednog ili više zaduženja prema finansijskim institucijama; naši klijenti u **prosjeuku imaju 2,5 kreditnih zaduženja**. Ujedno, postoji sve izraženija potreba građana da razumiju osnove finansijskih proizvoda, terminologiju i mogućnosti kako bi zadovoljili vlastite potrebe na optimalan način.

Udruženje "U plusu" je u proteklom periodu pružilo **besplatne usluge** savjetovanja o zaduženjima i finansijsko-pravnog savjetovanja 1300 građana putem besplatne **info linije 080 02 02 56**, u uredima u Tuzli i Sarajevu, kao i na terenu putem mobilnih timova koji posjećuju privredne i javne subjekte na teritoriji Tuzle, Sarajeva, a od nedavno Mostara i Bijeljine.

Najčešća pitanja bh. građana su vezana za mogućnost restrukturiranja postojećih dugova u cilju lakše otplate, sporazumni način obročne otplate duga, promjenjivost kamatne stope, odgovornost jemca i način zaštite jemca, uvjeti za raskid ugovora o kreditu, mehanizmi zaštite prava u sudskom i vansudskom postupku, savjeti za efikasnije upravljanje kućnim budžetom, i druga.

U saradnji sa mjesnim zajednicama, firmama, javnim ustanovama i udruženjima realizovali smo oko 190 radionica, obrađujući teme efikasnog upravljanja kućnim budžetom, ugovor o kreditu, finansijske proizvode i zaštitu potrošača u finansijskom sektoru, koje je pohađalo preko **2100 odraslih osoba te oko 1700 srednjoškolaca**.



Više informacija o našim aktivnostima dostupno na [www.uplusu.ba](http://www.uplusu.ba)

Sarajevo: Ajla Mostarac, direktorica  
Tel: 061 173 918, [ajla.mostarac@uplusu.ba](mailto:ajla.mostarac@uplusu.ba)

Tuzla: Hata Begić, finansijska savjetnica  
Tel: 035 249 381, [hata.begic@uplusu.ba](mailto:hata.begic@uplusu.ba)

## DONATORI / POZIVI ZA PROJEKTE

### 1. DODJELA MALIH GRANTOVA ZA PROJEKTE ZAŠTITE ŽIVOTNE SREDINE NA PODRUČJU MEDITERANSKOG BASENA - BirdLife International Cambridge

Savez BirdLife International sa sjedištem u Kembridžu u ulozi Regionalnog implementacionog tima (RIT) a u ime Partnerskog fonda za kritično ugrožene ekosisteme (Critical Ecosystem Partnership Fund - CEPF) raspisuje konkurs za prijavu projekata koji imaju za cilj zaštitu životne sredine na području tzv. Vruće tačke Mediteranskog basena.

Konkurs za predaju malih grantova uslijedio je nakon zaključenja konkursa za dodjelu velikih grantova (koji je trajao od 15. oktobra do 15. novembra 2012) u vrijednosti od 20.000 do 250.000 US \$. Za dodjelu malih grantova planiran je budžet u iznosu do 20.000\$. Na konkurs se mogu prijaviti nevladine organizacije, univerziteti, privatna preduzeća te ostale organizacije civilnog društva u Bosni i Hercegovini.

U cilju zaštite mediteranskog basena kojemu pripada dio Bosne i Hercegovine, a koji je jedna od najpopularnijih turističkih destinacija svijeta, sa približno 220 miliona turista godišnje, želi se postići skladnije i adekvatnije integrisanje prirode i turističkog sektora. Upravo se zbog razvoja infrastrukture koju podstiče turistička industrija, preko velikih hidroloških investicija nanosi znatna šteta vodnim resursima. To predstavlja znatan pritisak na prirodu u regionu, već ugroženu klimatskim promjenama. Realizacijom projekata očekuje se da će civilni sektor u Bosni i Hercegovini doprinijeti zaštiti i obnovi ekosistema slatkih voda, kao i uspostavljanju održivog upravljanja vodnih slivova. To su samo neki od strateških pravaca za razvoj projekata, definisanih pri postavljanju kriterijuma za dodjelu malih grantova.

**Rok** za predaju projektnih prijedloga je **15. decembar 2012.** Konkurs je osim u Bosni i Hercegovini raspisan i u Albaniji, Crnoj Gori, Hrvatskoj, Jordanu, Kapverdskim ostrvima, Libanu, Libiji, Maroku, Makedoniji i Tunisu.

### 2. CEPF-u

CEPF je osnovan kako bi doprinio zaštiti biološki najbogatijih i najugroženijih regiona svijeta, poznatih kao vruće tačke biodiverziteta. Osnovni cilj CEPF-a je obezbijediti uključanje civilnog društva u očuvanje biodiverziteta. Raspisivanjem konkursa za velike odnosno male grantove, CEPF se prvi put uključio kao finansijer aktivnosti civilnog sektora u spomenutim zemljama. U zemljama na području Mediteranskog basena za takve aktivnosti planirano je da se u narednih pet godina izdvoji 10 miliona dolara.

Regionalni implementacioni tim (RIT) stoji na raspolaganju za pružanje savjeta i odgovora na sva pitanja u vezi sa konkursom.

**Za region Balkana obratite se:**

Borut Rubinić

Email: borut.rubinic@dopps.si

Za više informacija o Vrućoj tački biodiverziteta Mediteranskog basena, posjetite:

[www.birdlife.org/community/cepf-mediterranean](http://www.birdlife.org/community/cepf-mediterranean)

### 3. Žensko osnaživanje, poziv za projekte

Ambasada Sjedinjenih Američkih država djelujući kroz ured za odnose sa javnošću sa zadovoljstvom objavljuje poziv za projekte koji će se finansirati kroz fondove za osnaživanje žena. Ovaj fond će podržavati male grantove koji promovišu napredak ženske politike, ekonomije, liderstva, i društva u Bosni i Hercegovini.

Projektni prijedlozi ne smiju prelaziti 24,000\$. **Krajnji rok** za aplikacije uredu za odnose sa javnošću jeste **31. decembar 2012.**

#### **Neke od potencijalni projektnih inicijativa mogu biti, ali nisu limitirane na sljedeće:**

Ekonomske prilike: Programi koji podstiču žensko ekonomsko jačanje kroz projekte koji promovišu ekonomsku nezavisnost svih žena.

Vještine liderstva, monitoring: Projekti koji podržavaju trenerske inicijative reformi politike i liderstva, mentorske programa za žene, i razvoj ženskih vještina sa ciljem učešća u vladi, akademskim zajednicama i biznis sektoru. Programi koji podržavaju edukaciju i jačanje djevojaka, uključujući programe koji podstiču njihovo liderstvo i učešće u svim sektorima društva.

Javne kampanje o svijesnosti: Podizanje svijesti, zagovaranje reformi, doprijeti do marginalizirane ženske populacije u ruralnim područjima, ljudskim pravima, zdravstvenoj njezi, trgovanje bijelim robljem i drugim važnim pitanjima.

#### **Projektni prijedlozi moraju:**

- Biti na engleskom jeziku
- Da ne budu na više od šest stranica, sa detaljnim budžetom
- Sa svim traženim informacijama u standardnoj aplikacijskoj formi (Izjava koja jasno definiše problem koji će se riješavati, uključujući specifične aktivnosti, željene rezultate i mjere učinka, opis organizacije koja podnosi projekat, uključujući tehničke i upravljačke kapacitete organizacije)
- Da ne traju preko 18 mjeseci
- Projektni prijedlozi se podnose na e-mail adresu: [WomenBiH@state.gov](mailto:WomenBiH@state.gov).

***Samo aplikacije koje se podnesu mailom će se uzeti u razmatranje.***

#### **Smjernice za budžet:**

- Detaljni budžet treba biti u dolarima, maksimalni iznos je 24,000\$
- Budžet ne smije uključivati PDV troškove
- Troškove implementacije projekta (plate, honorari za projekt menadžera, asistenta, računovođu, savjetnika, trenera itd), dodatni i drugi administrativni troškovi bi trebali da budu vezani za specifične projektne aktivnosti i ne bi trebali prelaziti 40% ukupne sume.
- Sredstva se ne smiju koristiti za troškove hrane. Ukoliko se ovi troškovi ne mogu finansirati iz drugih izvora, onda bi trebali da budu tačno navedeni i objašnjeni i ne bi trebali prevazilaziti 10% ukupne sume.
- Alkohol i drugi troškovi koji spadaju u zabavu nisu dopustivi
- Troškovi koji su nastali prije dodijeljenog granta se ne nadoknađuju

## Grant sredstva za žensko osnaživanje:

- Se ne koriste za dugoročne infrastrukturne potrebe a koje nisu održive nakon isteka sredstava
- Se ne koriste za troškove nastale van teritorije BiH, kao što su putovanja na međunarodne konferencije, kupovina dobara ili plaćanje u drugim zemljama.
- Se ne smiju koristiti radi pružanja direktnih društvenih usluga stanovništvu
- Se ne smiju koristiti za pristrasne političke aktivnosti. Međutim, nepristrasna edukacija o izborima i aktivnostima javnih informacija su dozvoljene.
- Se ne smiju koristiti za finansiranje dobrotvornih aktivnosti iz humanitarnog rada, komercijalnih projekata ili kampanjama prikupljanja sredstava.

Samo oni projekti koji zadovolje osnovne kriterije podvučene u gore pomenutim kriterijima će se uzeti na razmatranje na sastancima komisije za žensko osnaživanje. Projektni prijedlozi će se ocijenjivati u skladu sa temom projekta, jasno definisanim ciljevima i ciljnim grupama, održivosti projekta i mogućnošću organizacije da izvrši projektne ciljeve.

Svaka organizacija može podnijeti jedan projektni prijedlog na razmatranje. Organizacije koje su već dobile grant u okviru ovog programa i koje nisu završile svoje projekte ne mogu podnijeti aplikaciju dok ne podnesu svoj završni izvještaj.

Kod pripreme vaše aplikacije, molimo vas da budete svjesni činjenice da možda nećete odmah dobiti odgovor da li je vaš projekat prihvaćen zbog činjenice da komisiji Ambasade treba najmanje dva mjeseca, kao i da se finalna odluka o finansiranju donosi u Vašingtonu.

Samo NVO i nezavisni mediji koji se nalaze u Bosni i Hercegovini i koji su registrovani mogu aplicirati. Poziv za podnošenje aplikacija je otvoren do 31. decembra 2012.

Ako ste zainteresovani da podnesete prijedlog projekta ovom programu, molimo vas da zatražite standardnu aplikacionu formu na e-mail adresu: [WomenBiH@state.gov](mailto:WomenBiH@state.gov).

Za više informacija molimo vas da nas kontakirate putem telefona:  
**+ 387 33 704-344 ili putem faksa: + 387 33 704-432.**

## **4. Aplicirajte za sredstva – Projekti za podršku i razvoj demokratije**

**Demokratski Fond Ujedinjenih Nacija** poziva organizacije civilnog društva da apliciraju za sredstva projekata za podršku i razvoj demokratije. Projektni prijedlozi se mogu podneti online između 15. novembra 2012 i 31. decembra 2012 na:

**[http://www.un.org/democracyfund/worldwide\\_europe.html](http://www.un.org/democracyfund/worldwide_europe.html)**

UNDEF podržava projekte koji jačaju ulogu civilnih društava, promovišu ljudska prava, i podstiču učešće svih grupa u demokratskim procesima. Većina sredstava UNDEF sredstava ide organizacijama civilnog društva – podjednako u tranzicijskim fazama i fazama jačanja demokratije. Na ovaj način, UNDEF ima značajnu ulogu u izvršavanju tradicionalnog UN rada – rada sa vladama – na jačanju demokratske vladavine na svijetu.

Ovo je sedmi krug poziva za finansiranje od strane UNDEF, koja pruža grantove do 400,000\$ po projektu. U pet krugova finansiranja do sada UNDEF je podržao više od 400 projekata u više od 100

zemalja sa ukupnim iznosom od skoro 140 miliona dolara. Aplikacije prolaze kroz rigorozan i kompetitivan process ocjenjivanja, sa manje od 2% od svih aplikacija koje se odobre.

Projekti traju dvije godine i bave se sljedećim sferama:

- Razvoj zajednice
- Vladavina prava I ljudska prava
- Oruđa demokratizacije
- Žene
- Omladina
- Mediji

### **5. Balkanska ljetna škola o Religiji i društvenom životu**

Univerzitet "Paissiy Hilendarski", Plovdiv, Bugarska

August 10-24 2013

Organizatori Balkanske ljetnje škole religija i Društveni život 2013. na temu Sinkretička Društva – Mostovi između tradicije i Modernog doba, su krenuli od ideje da religija i religijski identiteti su od centralne važnosti za život pojedinca i društva, i da su naše religijske zajednice te kojima često posvećujemo svoju najveću lojalnosti. U našem različitom ali sve više uvezanom svijetu, mi moramo da nađemo načine da živimo zajedno u svijetu koji je nastanjen ljudima sa veoma različitim političkim idejama, moralnim uvjerenjima i društvenim lojalnostima.

**Cilj ljetnje škole** jeste da omogući laboratorij za praktičnu pedagogiju tolerancije i življenja sa različitostima u globalnom društvu. Fokus je na religiji kao osnovnom identifikacionom markeru pojedinca i društva, i cilj je da se pronađu nove prakse i razumjevanja za zajednički život u svijetu nastanjenom "razlikama".

Balkanska ljetnja škola preuzima ovaj veoma stvaran izazov na sebe i pokušati će da kritički definiše razlike, posebno među kolektivnim i religijskim razlikama između ljudi, kao polaznu tačku javno podijeljenog života. Osnovni cilj jeste da pomogne učesnicima da shvate svoje predrasude i preispitaju svoje "zdravo za gotovo" pretpostavke drugih kroz stvaranje sigurnog društvenog prostora istraživanja i interakcije koja uključuje inovativne mješavine akademskog učenja, empirijskog terenskog iskustva (praksa) i afektivnog angažiranja sa izazovima "živjeti zajedno drugačije"

Na osnovu deset godina iskustva Internacionalne ljetnje škole na temu religija i društveni život ([www.issrpl.org](http://www.issrpl.org)) BSSRPL traži da sastavi 30 ljudi iz različitih sfera života i različiti religijskih i vjerskih zajednica, (kao i onih koji ne definišu sebe kao članove takvih zajednica i nemaju religijski identitet), da istražimo ove teme zajedno, u uslovima međusobnog poštovanja i priznanja. Radujemo se bogatoj mješavini diplomaca, studenata, profesora, NVO lidera, novinara, religijskih lidera, političkih analitičara, i nastavnika iz regija Balkana, Evrope i svijeta da nam se pridruže na dvije sedmice na ljetnjoj školi.

Pamćenje, Konflikt i Tradicija, molimo vas da nam se pridružite u Augustu 2013 u Plovdiv, Bugarska.

Aplikacijske forme se mogu naći na:

<http://uni-plovdiv.bg/logos/site.jsp?ln=2&id=1022>

Web stranica: [www.bssrpl.blogspot.com](http://www.bssrpl.blogspot.com)

## **6. Nestle nagrada: Prilika za finansiranje projekata o vodi, prehrani i ruralnom razvoju**

“Nestle nagrada 2013” kompanije Nestle traži projekte u oblastima voda, prehrane i ruralnog razvoja koji bi se implementirali u zemljama sa niskim i srednjim prihodima. Nestle nagrada se organizuje svake dvije godine i pruža finansiranje do 500 000 Švicarskih franaka (otprilike 530 000\$).

Nestle nagrada je namjenjena javnim ili privatnim organizacijama (ne profitne organizacije, vladine i nevladine organizacije, privatne biznise, akademske institucije itd) ili pojedince koji su punoljetni po zakonu.

Nestle nagrada je međunarodnog karaktera. Podnosioci mogu živjeti u bilo kojoj zemlji na svijetu. Međutim projekat će pokriti zemlje sa niskim ili srednjim prihodima. Nestle će dodijeliti dobitnicima sredstva u iznosu od 500,000 CHF na određeni periodu sa namjerom povećanja nagrađenog projekta. Savjetodavni odbor “Stvaranje podijeljene vrijednosti” može odlučiti da finansira više od jedne nagrade, najviše tri. Vrijednost svake Nestle nagrade za svakog dobitnika će zavistiti od raznih faktora i potreba i biti će definisana od strane savjetodavnog odbora “Stvaranje podijeljene vrijednosti”, minimum od 50,000 CHF će biti dodijeljeno dobitniku nagrade. Ukupna sredstva za sve dobitnike neće prelaziti 500,000 CHF.

Rok za podnošenje aplikacija je **31. mart 2012.** Za više informacija, molimo vas da posjetite:

**<http://www.nestle.com/csv/Nestle/Nestleprize/Pages/nestlePrizeincsv.aspx#.ULXeg2dBiyU>**

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

**Rok za dostavljanje informacija za svako naredno izdanje je 30.-ti u mjesecu.**

WEB Stranica Mreže:

sCh design  
Webmaster:  
Emir Delalić-Zeko - Tuzla  
emir.delalic@gmail.com

web: [www.omladina-bih.net](http://www.omladina-bih.net)  
mejling lista Mreže:  
[posta@omladina-bih.net](mailto:posta@omladina-bih.net)

Adrese za slanje vaših informacija za mjesečni bilten:  
[hcatuzla@bih.net.ba](mailto:hcatuzla@bih.net.ba); [orcuzla@bih.net.ba](mailto:orcuzla@bih.net.ba)  
fax: 035 258 077

hCa Tuzla  
Hadži Bakirbega Tuzlića 1,  
75000 Tuzla  
tel / fax: 035 258 077  
e-mail: [orcuzla@bih.net.ba](mailto:orcuzla@bih.net.ba)  
[hcatuzla@bih.net.ba](mailto:hcatuzla@bih.net.ba)

**Mjesečni bilten uređuje Omladinski resursni centar - ORC Tuzla**